

宜春縣志二十四

列女志

坤爲妻道貞順爲先婦以德稱孝行最重正則關雎紀
盛變則柏舟見操此風化之本政治之源也漢劉向作
列女傳爲閨閫儀範陶嬰黃鵠歌節操凜如冰雪至剪
字投崖尤徵烈性今則其著於篇皆爲炯鑒志列女

節孝

明

蔚州同知楊伯憲妻周氏年二十四伯憲卒於官周護其
喪歸葬遺腹子名汝濟周撫教成立養其姑二十餘年

孝敬如一日正統初旌表其門

邵庠生劉禹妻蕭氏年二十五夫沒矢節不嫁撫二孤成立宏治間旌其門

郭靄妻彭氏年二十六夫沒撫二孤家貧守節歷五十餘年孫太僕寺丞進以其事聞詔旌之

彭秋妻歐陽氏年二十六夫沒無子姑欲奪之以死自誓守節四十年嘉靖二十八年旌表

易怡妻歐陽氏年二十八夫沒撫孤守節夫姑兩喪苦心營葬春秋赴墓痛哭萬歷五年旌表

按前志怡誤恬今從易氏家譜正之

舉人楊以正繼妻侍氏江南人年十四于歸二十二歲夫沒守節自誓子緘宦京師卒于任氏扶襯歸卒年七十八歲巡按旌其節祀節孝祠

邑增生袁繼宏妻鄒氏年十四于歸十六舉子方歲餘繼宏以省試弗售感憤成疾死鄒欲自盡者三祖姑黃氏抱孫泣曰汝從夫死誰爲養老鞠孤乃強起勵志時年十八富人謀欲奪之鄒引刀誓死姑力救乃免後祖母與翁繼殞竭力舉喪獨養其姑龍氏九年子一卿邑庠生崇正甲戌巡按周燦題請旌表建坊

按府志既列繼宏妻鄒氏又採芑山文集云鄒氏袁

士可妻年十八夫亾孤愈臣僅二歲其親微諷曰此
斃斃者足恃乎鄒泣曰為夫撫孤義與孤存亾終不
易志訓子先躬行後藝文愈臣有聲庠序鄒後膺旌
表查袁氏家譜繼宏字士可一卿字愈臣明係重出
今正之

周志立妻易氏年十九夫沒代夫供子職撫孤成立崇正
戊寅旌表

監生易相妻張氏年二十七夫沒無嗣守節四十餘年祀
節孝祠

庠生潘朝賓妻易氏舉人世燿之媳年二十一夫沒遺腹

生子茹荼砥志日紡績以奉翁姑苦節三十五年祀節
孝祠子蓋邑庠生長厚醇謹不愧母訓

易嘉祉妻鄒氏年二十四夫沒矢志奉姑撫三子均克成
立卒年六十八歲

廩生朱鍊妻蘇氏年二十餘夫沒無嗣貧甚鍊兄弟欲強
之他適蘇誓死不從有部郎聞欲娶之蘇歎曰吾無庸
生奚庸富貴終堅不可奪家無餅粟孀居五十年至七
十五歲卒祀節孝祠

郡庠生何春妻李氏年二十三夫沒遺腹生子俊李誓不
他適撫孤成立祀節孝祠

貢生周德昌母汪氏年二十五夫沒孀居訓子年躋九十
又鄧檉妻丁氏庠生郭宏敷妻辛氏楊嘉賓妻彭氏皆
夫沒守節年八十餘歲

皇清

庠生范僕妻余氏年十六于歸二十歲夫沒遺孤元升甫
六月橫逆頻侵竭蹶門戶教子補庠生

旌表

盧應肇妻晏氏年十九夫沒孤衡甫期月翁姑先逝焚
子立訓子成名守節歷五十年祀節孝祠

廩生陳涇妻張氏分宜刑部侍郎承詔孫女不以富貴驕

人相夫子有鷄鳴戒旦風涇才名甚著惜早卒張氏守

節歷三十年子忠道拔貢生

郡庠生易道明妻郭氏通四書小學知義理年二十四夫
死遺孤甫二歲守節三十六年子達郡庠生

袁蘇九妻梁氏明末張寇縱火焚廬蘇九救護母棺爲賊
所害時氏年二十六痛夫死非命矢志教子克翹復天
與婦鍾氏兩世孀居紡績自活梁氏年踰八十鍾氏苦
節歷四十年孫振藩振夔俱庠生

訓導易嘉男妻劉氏貞靜寡言笑年二十九夫沒守節卒
年九十歲祀節孝祠子尙行歲貢生

宜春縣志 卷三 列女 四
舉人朱光祺妻張氏從夫避亂備嘗艱辛夫沒矢志勤針指以度日食終其身祀節孝祠

貢生朱光祐妻楊氏性慈和寡言笑事翁姑曲盡孝敬年二十二夫沒守節歷三十年祀節孝祠子應斗以孝聞何思牧妻游氏善事舅姑夫死守節生平好施予賑荒多所全活卒年九十三歲祀節孝祠子淑監生

庠生楊榮妻嚴氏舉人尙義之母甫及笄于歸數載夫沒訓子義方俾得成名祀節孝祠

彭良六妻夏氏年二十一夫沒矢志撫孤歷六十二年常助修橋梁以便往來里人頌之祀節孝祠

謹致聖妻彭氏敬事翁姑年二十夫沒子幼堅持節操卒年八十歲祀節孝祠

邑廩生傅誥妻錢氏年二十五夫沒遺子甫週齡誓守節操四十六年始終如一祀節孝祠

李廷林妻周氏夫早沒備嘗荼苦勤紡績以奉舅姑雖當兵燹災荒敬事不怠祀節孝祠子士龍庠監生孫紹蓮邑廩生

邑庠生易象吉妻翟氏年二十三夫死長子甫三歲氏多方教訓弱齡遊庠未配而天撫其次子艱辛萬狀卒年七十一歲

易耀明妻彭氏年二十六苦節自守撫二孤次登俊邑庠
生氏年五十一卒

廩生梁巨植妻張氏年二十四夫沒矢志守節子程甫六
歲教之成立後膺歲貢生氏年五十四卒

廩生甘逢泰繼妻袁氏年二十八夫沒撫二孤守節自誓
辟蘊畫荻子濂瀛孫俞模俞樾俞彬俞梅皆遊庠序氏
孀居四十餘卒年七十六歲

劉孔三妻何氏舉人山姪女明末左寇猖獗孔三沒於兵
氏年甫十八誓志守節孝事翁姑撫教孤子歷六十餘
年

郡增生樂宗夔妻彭氏夔樂善好施予惜早世時氏年二
十二孝事姑王氏撫孤有成年七十二卒子遂庠監生

劉祖漢妻楊氏年二十二夫沒遺孤之桂甫兩月竭力訓
子入邑庠卒年六十六歲知縣江爲龍額以栢操松齡
夏之璉妻徐氏年二十五夫沒守節撫孤年踰七十

庠生傅道行妻易氏年十九夫沒疊遭兵寇家業蕩盡勤
紡績以教其子至老彌堅

庠生何之樞妻吳氏年二十五夫沒子忻甫二齡姻黨勸
其改適泣曰二老在堂誰爲死者任之人無敢復言養
生送死醫產之餘佐以十指奉劄表其閭曰清標彤管

庠生陳奇瓚妻袁氏知府一鰲女孫貞靜嫻內則歸陳十載無子出奩資爲夫買妾生男甫三齡奇瓚沒時氏年二十九偕其妾李氏同心矢志雙節凜然袁年六十卒妾年七十八卒子宏燠恪遵母訓言動醇謹舉鄉飲賓庠生陳維機妻劉氏遭甲寅寇變維機伯母被殺機亦死之時氏年二十八清操撫孤且知書課讀機行旁卒年七十二歲邑侯程額以節比栢舟子三長宏杰邑增生楊宗孟妻劉氏年二十夫沒守節歷三十八載雍正六年

旌表

陳旦明妻吳氏家貧守節紡績養姑又周儻妻劉氏撫孤

守節並歷四十五年雍正七年

旌表

羅文繡妻謝氏幼純篤年十六于歸事舅姑如禮二十五歲夫沒子幼氏痛不欲生斷髮不出中門祭祀必潔訓子惟謹性樂施予有楚人自閩載父柩過袁乏費自縊城隍廟將死氏聞之延醫救活資銀五兩令買舟歸守節數十年終始如一乾隆十二年

旌表卒年六十九歲

彭錦妻樂氏年二十夫沒孝事翁姑撫幼孤成立乾隆十三年

旌表

吳楚勝妻陳氏年二十四夫沒其貧守節子早卒撫其孫
成立年七十九卒

張友石妻李氏年二十七生子甫八月夫沒邑士某聞其
賢欲娶之其父亦以美言勸之氏曰苟富貴生寧貧賤
死竟守志不移孝事翁以壽終典衣飾置棺營葬撫其
子不爲姑息愛夜深紡績課讀少假寐輒涕泣責之有
古賢母風

袁振翮妻黃氏年二十一生子甫四旬夫沒夫爲江督繼
咸曾孫自咸死國難後貧寒三世氏忍饑不爲浮言動
紡績教子起宗爲拔貢生得舉孫而媳還天及老中饋
井臼勞瘁依然卒年七十九歲

袁振殿妻鄒氏年十七生子八月夫死家貧撫孤甫有孫
其子又沒兩世孀居年五十九卒同族邑廩生振鈞妻
鍾氏年三十守節撫孤起俊入邑庠亦早卒與其媳劉
氏孀居幾五十年

陳廷輔妻袁氏年二十夫沒二子俱幼家貧勤紡織以事
舅姑教子聖謨孫紹夔俱邑庠生邑侯程額以節孝遺
型年八十卒

梁尙中妻楊氏年二十三夫沒無子誓不欲生姑哀慰之

勉應命門庭肅如撫姪爲嗣卒年五十七歲

夏之寅妻陳氏年十八夫沒僅一子守節奉姑以孝養聞
卒年八十五歲子家梅邑庠生

庠生梁士翔妻黃氏年二十一夫沒遺腹生子守節撫孤
年六十三卒

庠生李士裕妻何氏年二十九夫沒舅姑老子幼有無歸
勉稍餘則以恤里黨之貧者卒年六十歲子謨亦早世
妻何氏年二十五矢志撫孤迄四十八歲卒

李毅妻楊氏年二十二夫沒矢志守節持家教子一以忠
厚年五十卒

庠生錢天眷妻姜氏年二十五夫沒勵志撫孤自甘淡薄
周濟困乏無吝色卒年五十六歲

盧冕妻蕭氏年二十五夫沒家貧撫三孤守節事舅姑養
生送死惟取給十指卒年六十七歲

庠生盧鳳藻妻何氏年二十六夫沒遺孤甫四齡撫之成
立卒年七十五歲夫姪之楊亦早世妻傅氏年二十五
守節養姑以孝聞卒年五十七歲

何源妻易氏年二十二生子甫兩月夫沒矢志奉養舅姑
祭葬如禮撫其孤有成卒年七十歲

彭曰仁妻鄒氏年二十歸彭僅二載夫沒氏哀毀欲從地

下家人議爲立嗣廼強起撫伯子以奉夫祀雖家貧拮据衣食孀居至老未嘗苟言笑卒年六十九歲

夏孟舒妻汪氏年二十六家貧守節乾隆元年奉

恩詔賞給絹米卒年八十三歲

傅宗軻繼妻王氏年十九夫沒貞操矢志撫元配子如所生卒年四十七歲

袁湧妻彭氏年二十六夫沒家貧事舅姑撫穉子乾隆十六年

恩詔賞給絹米卒年八十三歲

盧之栢妻易氏年二十二夫沒未有子姑葉氏亦孀居無

依氏泣曰媳在敢不爲死者代終家貧守節以孝聞卒年七十一歲

劉孔熹妻黃氏年二十二夫沒無子撫從子爲嗣矢志完節卒年六十歲同族劉炳智妻甘氏年二十七守節卒年五十二歲

監生湯大智妻劉氏年二十七守節立從子爲嗣卒年五十一歲

庠生劉之槐妻彭氏馮家壁妻劉氏年俱二十六守節撫孤有成年滿卒

庠生樂遇妻夏氏年二十四守節晏日聽妻張氏年二十

守節俱撫從子爲嗣周維煌妻胡氏年二十三守節黃
樂三妻甘氏年二十七守節俱年滿卒

彭定猷妻劉氏年二十五夫沒屬以養母撫孤劉泣受命
安貧守志卒年七十歲

庠生易龍賢妻唐氏庠生劉之魁妻宋氏年俱二十四守
節孝事翁姑撫孤成立年滿卒

庠生胡殿升妻楊氏年二十一夫沒家貧守志事翁姑如
禮撫遺腹子有成卒年六十四歲

鍾宗旦妻彭氏年十八甫生子而夫沒氏敬養舅姑不改
其志年六十卒

蘇信侑妻祝氏年十九夫沒翁恭銑在堂染痲瘋祝日奉
湯藥無違立從子爲嗣普平糶以惠鄉里守節歷三十
九年

按信侑之侑府志作日誤

王仕魁妻歐陽氏年二十二夫沒矢志守節年七十一卒
龍呈橋妻趙氏年二十六夫沒守節不渝年滿卒

按乾隆己卯續修府志存有本縣申送節婦呈冊廬之
楊妻傅氏袁起源妻鍾氏監生李謨妻何氏周士典妻
胡氏歐陽鉉妻張氏楊一鳳妻李氏袁慶發妻李氏增
貢生胡宗烈妻易氏庠生張大纒妻趙氏易如鳳妻周

氏黃讓三妻陳氏丁環洪妻黃氏潘洪遷妻晏氏兵丁
常忠妻戴氏庠生吳岳妻甘氏守節完操年例俱符今
特附識於此

庠生晏雲鸞妻盧氏年二十八夫沒矢志撫孤善承堂上
歡遷居裕後卒年七十四歲長子世俊壬申武舉

湯釣球妻黃氏童生鍾亮之母年二十七夫沒勵志撫孤
娶媳余氏舉一子甫三齡而鍾亮卒時余年方二十二
歲姑媳共勵冰操黃年七十歲余年五十五歲孫家瑞
監生

邑廩生袁振鏘妻曾氏秉性清淑素明大義幼承父庠生

耀榮家學通文理能詩于歸後夫婦唱和有集二十九

歲夫沒早年舉四子又遺腹生子起涓家貧皆親課其

詩書乾隆丙辰有喜兒入泮二絕云廿載悲愁夢未安

墓門誰許淚雙乾稚兒也解青雲恨

自注汝父在時常有口號一語不步

青雲志不休

剛破阿婆一寸丹少年志氣莫蹉跎無限光陰

一線過須記從前呱泣日桑弧愁掛淚痕多厥後其孤

善體親志怡怡一堂氏亦援古忍讓為訓學院金額以

大節潛光卒年七十七歲迄今孫曾濟濟簪組青衿滿

門稱盛洵不負其教澤

劉登彩妻周氏年二十七夫沒家貧矢志奉養雙親晨昏

不懈撫孤子俾克全成立卒年八十九歲

童生楊堯興與妻胡氏年二十七夫沒撫二子成立卒年四十五歲

張朝煜妻易氏年二十七夫沒時雙親年耄氏菽水承歡不少懈無子撫姪爲嗣苦節五十一載乾隆二十七年

旌表

曾憲嗣妻李氏年二十三夫沒柏舟自誓撫孤成立奉事翁姑悉得歡心卒年七十三歲

童生彭宏謀妻李氏年二十九夫沒子方六齡翁姑皆耄耄氏誓不二志代終其職卒年七十八歲

郡庠生李學宏妻林氏薦裏鄉九七林五女年二十六夫沒遺腹生一子家貧勤紡績仰事俯育無倦容卒年七十八歲

陳月桂妻李氏生子女各一年二十八夫沒矢志守節卒年六十三歲

江掄英妻萬氏年二十四夫沒撫孤守節卒年六十六歲
庠生盧侗妻黃氏年二十八歲夫沒僅舉一子氏誓志撫孤言笑不苟卒年五十五歲孫達邑庠生

童生易觀侯妻張氏年二十四夫沒矢志事親遺腹生子締拔撫之成立卒年九十一歲目擊五世同堂孫曾入

庠序授職監人皆歎爲苦節之報

童生劉炳龍妻樂氏年二十七夫沒矢志撫姪以奉老姑
卒年六十七歲承祧子培棟監生

童生楊堯瓊妻宋氏庠生恢武之姊童年于歸二十九歲
夫沒撫孤成立卒年五十歲

黃朝瑞妻李氏庠生俊齡之女年二十四夫沒遺孤甫二
歲氏撫之成立得翁姑歡心卒年七十七歲

童生楊占言妻黃氏賦性柔順持己溫恭年二十八夫沒
立志養姑能承其旨守節歷四十七年撫孤俾入邑庠
後得一孫洵敦年二十五失妻誓不再娶現年七十二

歲課子根仁入邑庠人咸稱其一門節義

童生彭卜華妻劉氏庠生孔熹女年二十八夫沒翁姑年
邁孝養罔缺撫孤成立卒年八十四歲

童生羅衣紫妻聶氏年二十九夫沒立志撫孤勤紡績以
事高堂卒年六十歲大理卿袁芳松贈以勁節凌霜子
二長廷勳庠生次廷燕監生

童生彭文錦妻易氏年二十八夫沒孝養無閒撫孤成立
卒年七十一歲

庠生易自超妻潘氏年二十五夫沒相舟矢志翁逝葬祭
盡禮姑老奉養無缺卒年四十六歲

定考鼎元
童生胡伯義妻張氏年二十六夫沒時姑老子僅三歲氏
菽水承歡撫孤成立卒年八十七歲

童生張燦亭妻彭氏年二十四夫沒家貧立志撫孤勤紡
績養送翁姑子既成立囑倡建宗祠以奉祖先卒年七
十一歲

童生李煥若妻楊氏庠生楊耀女年二十八夫沒代夫孝
養無虧年六十歲時司訓易爨以柏節永貞八十時大
理卿袁芳松贈以冰操鶴年課二子俱成立長次授例
授職諸孫林立入監者二氏年八十八歲卒

童生彭如珽妻鍾氏年二十八夫沒矢志撫孤奉翁姑克
盡孝敬卒年八十三歲

童生鍾曰乾妻周氏年二十四夫沒遺二女因夫無後撫
夫弟次子承祧又乳養幼壻張運先教之成名翁姑年
邁孝養無虧年六十時昌黎院長徐曰都爲製壽序卒
年七十三歲舉人黃邦達誌墓長女適中溪彭亦青年
稱未亾人母女並孀居云

譚盛相妻陳氏年二十八夫沒遺二孤長方二齡次遺腹
生勵志撫孤事翁姑勤紡績以供甘旨二子俱成立氏
卒年七十五歲

陳世迪妻劉氏年二十一夫沒撫孤養親遠近無間言卒

年七十九歲

彭師訓妻劉氏年二十八夫沒無子僅一女撫姪為嗣性柔順善事翁姑卒年八十七歲

童生劉培新妻李氏監生光輝次女年二十六夫沒乏嗣遺女甫三齡誓志不二孝敬高堂撫字諸姪其後裔尙俟擇承卒年七十二歲

童生李尙志妻楊氏年二十六夫沒無子氏心堅金石撫姪為嗣孝事舅姑不懈卒年七十歲

楊沂山妻羅氏年十九夫沒家貧無子撫繼其姪又沒艱苦備嘗惟以鍼指為養殮卒年六十三歲

童生郭仕智妻劉氏廩生汝琇女年二十八歲生子甫八十餘日夫沒家貧矢志事翁姑以孝聞嚴寒擁敗衣內裹紙以當絮刻苦課子成立卒年八十歲子魯興鄉飲賓

童生黃文聘妻梁氏庠生廷棟女年二十四夫沒遺孤甫七月苦氏撫育成立上奉二老養送皆盡其孝卒年五十八歲

童生郭秉志妻周氏年二十二夫沒遺腹一子翔撫之成立亦早卒又與其媳袁氏撫孤孫紡績自勤以供口食周年七十九歲卒袁年二十九歲守節現年六十七歲

童生廖世舉妻孫氏年十九于歸二十八歲夫沒立志守節奉養翁姑無子撫姪家鳳爲嗣後援例入監氏卒年七十歲

易文板妻李氏年二十二夫沒寒無擔石養孀姑撫孤子藉女紅以給衣食卒年七十八歲

夏又言妻蕭氏年二十八夫沒事翁姑撫孤雛茹茶飲藥卒年七十一歲

童生楊錫衮妻朱氏年二十八夫沒時翁邑庠生堯智已故氏上奉寡姑彌加孝養下撫弱子不憚劬勞卒年六十六歲

易公泰妻彭氏年二十六夫沒氏慟極欲殉念姑老子穉強起奉姑鞠幼孝慈兼盡卒年七十七歲

童生鍾秉山繼妻周氏年二十四夫沒勵志守節孝敬無虧無兒撫夫兄次子承祧卒年六十七歲

劉正學妻邱氏年二十五夫沒紡績自勤敬養老翁撫孤成立卒年七十八歲子高秀善事之

童生江思臣妻李氏年十九夫沒遺一子僅週歲勵志撫之嘗以不逮事舅姑爲憾卒年七十歲

童生陳光煦妻李氏年二十二夫沒氏栢舟誓志孝事翁姑慈撫孤子不愧代終之義卒年四十四歲

童生彭光焯妻楊氏現任撫州訓導錫輅之姊年二十八夫沒上奉老姑菽水承歡下遺一子僅四歲撫之成立惟以詩書爲督卒年八十一歲孫鏞邑庠生

邑庠生易發運妻張氏年十五于歸二十四歲夫沒孝慈肫摯卒年七十六歲

庠生湯大魁妻曾氏監生賓安女年二十四夫沒子甫三歲氏矢志撫孤兼盡孝道歷二十載而沒

監生彭學魁妻張氏年二十五夫沒矢志守節生二子長文蔚已娶梁氏亦早卒時梁年十九無子又撫其姪爲嗣兩世孀居相依爲命其苦莫甚張卒年四十九歲梁

現年五十三歲

童生劉聲宏妻徐氏年二十九夫沒久死靡他養送二老克盡婦職撫孤成立卒年八十七歲

武舉周榮棠妻王氏年三十夫沒無子止二女撫夫弟榮杏之子爲嗣厥後榮杏繼殞姊氏亦匹兩世惟存藐孤氏艱苦萬狀俾上不缺供奉下全宗祧洵閭閻中之丈夫卒年七十六歲

童生周興期妻李氏年二十三夫沒立志撫孤孝養無違卒年八十二歲學院潘額以節茂松筠孫之楨邑庠生郡庠生林自誠妻梁氏與林自芬妻袁氏年俱二十六歲

夫沒家貧無遺產勤紡績以奉老姑同茹荼者皆五十
六載稱一門雙節梁子世柱業儒精醫袁子中麟甫入
邑庠而逝

童生梁宗陞妻周氏年十六于歸越十三年夫沒家貧紡
績度日菽水承歡義方訓子卒年七十七歲孫曰逢邑
庠生

童生梁如瑯妻袁氏年十六于歸十九歲夫沒遺腹生一
子奉姑鞠幼備極勤勞卒年六十四歲孫曰潢郡庠生
童生李宗璠妻袁氏年十七于歸二十六歲夫沒事姑撫
幼勤鍼指以給家用卒年六十八歲

袁湖五妻周氏年十六于歸十八歲夫沒遺腹生子撫之
成立養送翁姑悉如禮卒年八十八歲

童生鄒履謙妻周氏年十八于歸秉性柔順內助稱賢二
十九歲夫沒矢志撫孤長子援例入監次子入泮氏年
八十八歲卒

童生潘光曉妻孫氏年二十六夫沒矢志守節孝敬翁姑
僅舉一子殿元亦早卒又與其媳袁氏撫未週之孤孫
共相鞠育幸其孫已生十有一子孫年六十九歲卒袁
年二十四歲守節現年七十六歲

李枝陵妻袁氏年二十八夫沒矢志守節孝養翁姑撫孤

宜奉縣志 卷三
成立卒年八十四歲

陳宜亭妻胡氏年二十六夫沒家無長物室少壯丁惟三孤相倚恃澣衣績麻度日食或不繼采茶佐餐遇寒食中元每命諸孤陳盂飯於翁姑及夫靈前號泣哀思卒年七十歲

庠生易淑虬妻柳氏年十二于歸孝事翁姑和睦妯娌二十六歲夫沒無子立志撫姪爲嗣卒年六十八歲

童生易日序妻陳氏年二十七夫沒遺一子可懷僅四歲氏矢志撫之可懷卒撫姪孫爲嗣家甚貧苦事親課子倍極勤勞卒年九十一歲

童生易懷波妻彭氏年二十九夫故時翁姑皆踰六十遺

孤二僅數齡氏養親教子一身獨任現年七十六歲子

二長榮松監生次榮本邑庠生孫炳麟郡庠生

郡增生李雲翔妻曹氏職員文塤女年二十七夫沒念姑

老子釋忍死吞聲勤紡績以全孝慈卒年五十歲子煥

璧克承其志

童生李守先妻楊氏年二十二夫沒誓志孝養翁姑生一

子甫半歲鞠育有成卒年七十八歲孫位高監生

童生周維繫妻辛氏庠生家模之媳年二十八夫沒時翁

姑年邁子僅半齡氏仰事俯育克盡其職卒年六十七

歲

童生黃秉瑜妻易氏邑增生殿傳女年二十一夫沒家貧無子氏含淚操作誓心不二撫夫姪爲嗣守節四十年乾隆四十五年

旌表

童生魏裕邦妻胡氏年二十七夫沒家貧守節艱苦備嘗撫孤成立常以勤儉積德訓子孫卒年七十二歲乾隆五十一年

旌表賞額清標彤管子二長光國監生次光祖援例授孔目職長孫性道附貢生諸孫多列膠庠

童生謝作霖妻邱氏年二十四夫沒矢志守節家貧勤紡績事舅姑以禮事繼姑更得其歡心卒年七十二歲乾隆五十二年

旌表子二長向灼歲貢生署吉安教授次向煦生自遺腹授例授孔目職

童生余泰山妻劉氏年十九夫沒上有祖母孀姑下遺一孤僅三歲女方週仰事俯育氏代終其事勵志冰霜歷三十二載乾隆五十四年

旌表

童生花殿彩妻晏氏年二十一夫沒矢志撫幼孤姑年近

七旬病瘥思食青魚氏典衣沽魚以進姑病遂瘥守節四十年二子並遊縣庠乾隆五十四年

旌表

監生晏繹妻龍氏庠生呈橋女年二十二生一子而夫沒氏矢志撫孤事姑惟謹夫兄夫婦早卒遺一子氏撫之凡教養婚配俱先姪後子人咸稱之卒年五十四歲乾隆五十五年

旌表

吏目職彭加爵妻施氏年二十三夫沒維時夫家三喪未葬繼以夫喪竭力購墳地次第安葬上事寡姑下育二孤敬慈並至長子早夭次子梅甫生一子又沒與媳單氏茹荼五十餘載乾隆五十五年

旌表

監生彭梅妻單氏年十九生子甫半載夫病瘵而沒氏欲身殉姑泣勸曰爾輕生如藐孤何氏乃矢志事姑教育孤兒卒年八十一歲乾隆五十五年

旌表子肇從九職

庠生龍熙妻李氏年十九夫病革語氏曰我家四代只此一孤仰事俯育皆爾是賴氏洒淚應命夫卒勉治喪葬事兩世舅姑皆得其懽守節三十載乾隆五十五年

旌表

童生施榮妻呂氏幼習女箴素明大義夫沒時年二十三歲僅遺一子以家貧哀毀骨立翁姑慰之乃強起撫孤勤紡績以養二親值姑病篤嘗割股以進而愈子學清完配後舉一子亦早逝氏與媳吳氏竭盡艱辛撫孫景松成立卒年七十六歲乾隆五十七年

旌表

童生陳慰祖妻張氏年二十三夫臨沒時戒曰我無兄弟子女父母年逾六旬後事全屬于汝須急勸吾父納妾以綿先祀夫沒後力勸翁納二妾連舉夫弟三人迨生姪撫繼為兒氏守節四十年乾隆五十七年

旌表

監生錢士繪妻周氏年二十夫沒家計中落氏為老姑幼子誓守孀居勤紡績刺繡以佐饗殮姑素病氏奉湯藥不懈及沒喪葬如禮人無間言卒年六十歲乾隆五十七年

旌表

童生易淑珩妻彭氏邑庠生銘鑾之媳庠生自芸之妹州同職自修之姊年二十五夫沒姑老患癱偃臥衣被便服俱需人氏扶持調護者多年一子名正區年二十九

復天姑媳慟不欲生族戚勸慰始囑媳袁氏撫堂姪德
輔爲之後彭年七十五卒嘉慶元年

旌表

康生彭錫雋妻易氏知書嫻內則夫未弱冠遊洋苦讀病
瘵及沒氏年二十六歲子稚姑病癱夫弟遠館氏朝夕
負姑出入不懈子洪岱天氏與媳易氏俱拼死親族苦
勸各具賻殯其子並以節著氏卒年六十二歲嘉慶三
年

旌表次子洪極邑庠生

童生徐鈴妻潘氏年二十夫沒撫子欄娶媳劉氏生一孫
而瀾沒姑媳守節紡績度日潘年五十三卒劉課子立
本遊洋逾年食餼亦早逝又撫孫曰咸曰恒咸十七歲
入泮劉現年八十四歲嘉慶三年姑媳並請

旌表

童生吳國仁妻何氏年十八于歸甫六載夫病危以庶母
孤子囑氏泣承任夫沒後事庶母生沒無憾撫遺孤成
立已生二孫卒年七十五歲嘉慶三年

旌表

童生周振勳妻楊氏年二十五夫沒矢志孝養孀姑延師
課二子尤好施予嘗減價平糶乾隆乙酉歲饑四門設

厥施粥氏捐米以助近境麟橋兩次冲圮令子首倡捐修卒年六十九歲嘉慶三年

旌表

童生易煥業妻楊氏楊鎔十女年二十五夫沒無嗣氏冰操自勵孝事翁姑撫從子爲後教讀婚配備極艱辛卒年七十二歲嘉慶十年

旌表嗣子在衢監生

童生李應春妻歐陽氏年二十四夫沒親老兒幼代終其事爲子娶媳任氏生一子而任氏續娶劉氏又與夫相繼殞氏撫幼孫成立拮据持家歷三十七載艱苦備嘗

嘉慶十年

旌表

童生鄒方興妻李氏職監李謀次女年十五適鄒生二子夫臨終囑曰我六世單傳僅存一綫仰事俯育皆賴爾力氏泣承任時年二十三歲養親撫孤艱苦備嘗歷三十八載嘉慶十一年

旌表

童生劉光經妻易氏年二十五夫沒誓欲身殉念有四子未忍拋別矢志撫之俾皆成立以慰親心卒年五十七

歲

童生黃心濟妻湯氏年二十八夫沒矢志守節上奉二老下育雛兒皆曲盡其道年八十五歲目擊五世同堂子希仁監生孫兆麟州同職曾元林立誠苦節之報

童生謝作柳妻駱氏年二十七夫沒茹荼四十二載養生送死克盡婦道卒年六十八歲子三長洪勳監生

童生魏達道妻曾氏年十九夫沒無子僅遺一女氏矢志奉事翁姑奉養如禮卒年四十八歲

童生駱進妻謝氏年十八夫沒守節四十四年進之胞弟達妻劉氏年二十三夫沒守節四十二年均能上事翁姑下撫嗣子不愧貞操

童生黃邦傑妻陳氏年二十夫沒時翁已逝姑亦年老家貧藉鍼指以供餽無子撫姪爲嗣卒年六十三歲

童生劉冠羣妻彭氏年二十二夫沒撫孤矢志奉翁姑代終子職卒年六十歲

庠生梁世標妻孫氏年甫三十夫沒因姑老子幼勉稱未亾人仰事俯育克盡其職卒年八十四歲學院汪額以彤管揚休子曰猷邑庠生

童生袁起洪妻周氏年二十四夫沒僅一子婚配後兒媳俱亾寡而兼獨卒年七十五歲學院李額以栢節松操同族鏞十妻周氏拒三妻鄒氏年俱二十七歲夫沒早

三妻鍾氏年二十一夫沒三氏皆家貧守節惟鄒氏無子尤可憫周年五十七歲卒鄒鍾年皆八十五歲

邑廩生袁芹桃妻李氏舉人起炯之媳年二十八夫沒遺孤纔三歲氏矢志弗貳孝事翁姑竭力撫孤成立卒年六十歲乾隆戊申知縣成元一額以介節冰操子齡安邑庠生

童生彭士坤妻易氏年二十夫沒家貧養姑撫孤克全其道嗣子年二十七復沒姑媳孀幃形影相弔易卒年五十四歲

童生劉光義妻彭氏年二十四夫沒撫三孤子成立孝養孤鞠育有成卒年四十二歲

童生彭元敬妻傅氏年十四于歸二十一歲夫沒矢志孝養堂上雙親教育膝下孤子經四十餘年清操如一日卒年五十六歲孫廷璋邑庠生

夏常一妻李氏年二十六夫沒時親老子天氏立志奉養撫姪承祧勤儉自持卒年六十五歲

庠生黃桂妻周氏年二十七夫沒遺二子一女氏矢志撫孤孝養雙親卒年六十五歲子榮銓監生

童生曾志棠妻余氏例貢生秉義之女年二十一夫沒家貧茹荼勵志紡績養姑撫孤成立卒年八十一歲嘉慶

十一年

旌表

童生陳基珍妻易氏監生樹竹女生一子甫週而殤年二十七夫沒氏事兩世翁姑藉鍼指以供其旨撫胞姪岑以為嗣後入府庠氏年六十三歲卒嘉慶十三年

旌表

童生范壽安妻彭氏庠生瀾發女年二十六夫沒無子家貧矢志紡績事孀姑姑卒無依乃依其姪庠生彭廷璋之妻孀婦李氏李敬事之嘉慶十五年李命其子為之請題

旌表現年九十餘歲

童生易荷舫妻胡氏年二十四夫沒矢志不二撫姪為兒翁姑死喪葬盡禮子甫五歲又叵氏再撫其夫三弟之子為嗣苦節三十一載其子塔州同職李廷謀憫其苦節於嘉慶十五年為之請題

旌表

童生易學韻妻譚氏庠生彥英女年二十五夫沒子僅一歲氏矢志靡他次年翁姑相繼逝治喪盡禮守節歷五十年嘉慶十六年

旌表迄今孫曾林立次孫入縣庠

童生晏梳妻潘氏年十七成昏逾歲夫以病瘵沒氏慟極
姑泣勸乃止後翁姑迭逝喪祭盡禮撫夫兄次子承祧
現年七十歲嘉慶十七年

旌表

童生孫大魁妻吳氏新喻人署本營千總文鳳女年二十
六夫沒遺薄田五六畝氏克勤克儉事舅姑其旨無缺
撫繼子如己出孫二曾孫數人卒年八十歲嘉慶二十
年

旌表

童生黃榮祖妻周氏年二十五夫沒矢志守節奉上撫下
孝慈並著舅姑死後率子若媳備物薦享如初卒年七
十六歲嘉慶二十年

旌表

童生李國選妻何氏年二十八夫沒遺孤德彰僅一歲後
娶媳林氏將九載德彰卒又與其媳抱半週之孤共勵
冰霜何氏卒年八十四歲嘉慶二十一年

旌表

童生李德彰妻林氏年二十六夫沒矢志奉養兩世孀居
祖姑年九十餘卒姑年八十四卒養送無憾撫孤援例
入監孫曾林立氏年七十六歲嘉慶二十一年

旌表

童生傅雲鶴妻樂氏監生名池女年二十五夫沒孝敬翁姑撫孤亦早卒僅遺一孫延師課讀守節四十餘年嘉慶二十三年

旌表

童生彭峻肇妻潘氏庠生兆廸女年十九夫沒子生甫三月舅姑俱逾六旬氏矢志奉事二十餘年撫孤成立子又生孫惟以勤儉孝敬為訓年七十一歲嘉慶二十三年

旌表子興蔚監生

童生陳爾器妻楊氏年十九于歸成婚兩載餘夫沒遺孤甫六月矢志撫育事姑二十餘年如一日卒年八十九歲嘉慶二十四年

旌表

童生李乾妻易氏庠生文相女年二十三夫沒無子誓志不二撫夫堂弟之子為嗣奉養老姑致敬盡禮迨媳生孫子又早亡苦氏鞠育幼孫成立年九十九歲嘉慶二十四年

旌表

童生易煥星妻張氏年十五于歸善事舅姑成婚三載夫

沒遺孤茂華在襁褓不忍拋棄殉夫矢志撫之成立茹
荼飲冰歷三十六年嘉慶二十五年

旌表

監生張錫命繼妻李氏年十八成昏甫半載夫沒奉養翁
姑克盡婦道無子撫二姪承祀教讀昏配備極勤勞今
已入監氏現年五十一歲嘉慶二十五年

旌表

童生李宗賢妻甘氏年二十夫沒遺子象書甫半齡翁姑
年邁氏事上撫下勤勞備至及象書長娶婦彭氏生子
載烈僅四齡象書又歿彭方二十六歲奉養孀姑教育
孤子悉如其姑甘卒年六十餘歲彭現年六十四歲載
烈援例授州同職嘉慶二十五年並請題

旌表

庠生彭廷璋妻李氏萍鄉監生 贈修職郎衍楠女副貢
生遊之妹舉人現任進賢教諭道之姊也素聞女史內
則年二十六夫沒氏敬事舅姑嚴課二子守節已三十
餘載先是廷璋有從姑適范寡無所依氏迎養於家敬
禮不衰且為請題

旌表道光元年氏亦

旌表

童生盧景灑妻陳氏年十五于歸越數月夫遇大水溺死
氏矢志靡他孝養舅姑撫夫弟次子爲嗣年七十四歲
道光元年

旌表

職員傅秉璋妻劉氏職員發貴長女年二十七夫沒子幼
翁姑多病家道中落氏矢志代終力勤操作家復興子
入監早世又與媳撫孫成立年已六十二歲道光元年

旌表

童生晏楹妻張氏年二十四夫沒遺子甫數月勵志茹荼
仰事俯育人無間言守節已四十七年道光元年

旌表

江彬八繼妻湯氏年二十一成昏越一載夫沒無子氏撫
姪爲嗣得翁姑歡心年已七十四歲道光元年

旌表

童生胡日華妻陳氏年十九于歸生一子三齡卽殤及夫
沒僅遺一女時氏年二十七歲冰霜自持事繼姑惟謹
撫姪承祧年已六十道光元年

旌表

監生劉鍾鵬妻周氏增生嘉榘女年十九歲婚生子女俱
殤二十五歲夫沒惟姑在堂矢志侍奉代終子職撫姪

承夫姚茹茶督課氏年六十二歲道光二年題請

旌表

邑庠生易廣淵妻周氏年二十八夫沒奉養翁姑垂三十年撫孤成立氏年已七十三歲道光二年題請

旌表

童生吳維鯤妻袁氏十九于歸生子甫二歲夫沒時年二十二歲誓志守節姑病咳嗽晝夜服侍不倦終喪如禮課子成立年已五十二歲道光二年題請

旌表

童生蕭俟拔妻陳氏年二十五夫沒誓志不渝育孤子以

慈奉高堂以孝翁姑沒喪葬如禮卒年七十六歲學院

潘額以冰霜苦志道光二年題請

旌表孫長吉監生

童生李恒妻張氏年十六成婚甫四載夫沒事二親養送無憾鞠孤兒婚教兼全年八十二歲道光二年題請

旌表

童生楊斗輝妻張氏年二十七夫沒誓志守節翁以哭子瞽目姑亦癯瘵氏調護極謹且撫其二子成立年已六十四歲道光二年題請

旌表子本仁邑庠生

童生鄒履高妻羅氏年二十九夫沒矢志撫兩孤孤又俱
殤舅姑早逝惟祖姑在堂妯娌梁氏亦早寡羅下顧無
人乃分梁氏子爲後與梁共事祖姑色養倍至羅氏守
節二十年卒道光二年題請

旌表

監生鄒履文妻梁氏年二十八夫沒遺孤三上有祖姑氏
矢志代終念妯娌氏羅早寡殤其二子梁以次子承之殊
已之長子亦早卒媳劉氏復青年勵志撫二孤長孤又
歿其妻莊氏殉之一門節烈三世共凜曾孫二賴梁鞠
育現年六十四歲道光二年題請

旌表

童生殷兆龍妻易氏年二十五夫沒氏矢志侍奉老姑終
其孝養子二次入監孫曾林立氏年八十四歲道光二
年題請

旌表

童生易鴻陞妻彭氏年二十二夫沒立志撫孤既婚教子
濬占復沒媳聶氏年方二十九歲與姑孀居共撫二孫
聶年至六十先姑而逝彭現年八十六歲目擊五世道
光二年姑媳並題請

旌表

童生易于達妻漆氏年二十九夫沒遺孤二矢志撫育夫孟仲兩兄乏嗣氏以次子繼孟後併勸叔姒分兒以繼仲後大義炳然卒年五十三歲後媳劉氏亦青年守節十餘年卒道光二年漆氏題請

旌表

童生柳開直妻彭氏年十八夫沒遺一孤立志守節事姑鞠幼孝慈兼盡越數年孤殤乃撫夫姪爲嗣氏年已五十五歲道光二年題請

旌表

童生黎閣鑣妻何氏年十八于歸未一載夫沒氏不以無嗣改志依姑爲命服侍殷勤撫姪繼夫祀母兼父道俾二孫成立守節已四十年道光二年題請

旌表

童生鄒士達妻袁氏年二十五夫沒矢志守節養老鞠幼歷五十九載目擊五世同堂知縣成學院吳均獎以額道光二年題請

旌表

童生鄧日乾妻王氏年二十四夫沒止一子上無舅姑可倚獨力經營夫弟夫婦早亡兼撫三姪如己子興家立業產均四分且爲次姪思育援例入監氏年六十三歲

卒道光二年題請

旌表

童生彭宏遠妻袁氏年二十六夫沒矢志守貞事姑孝養倍至遺孤錫貴既婚復亾媳潘氏年甫二十三亦止生一子與姑共勵清操今得四孫袁現年八十二歲潘現年六十一歲道光二年並題請

旌表

童生易煥奎妻彭氏年二十八夫沒終事舅姑如禮課子有成年已七十八歲道光二年題請

旌表

童生陳鳴剛妻劉氏年十九成婚僅生一女二十三歲夫沒誓志守節奉姑以壽終現年五十二歲道光二年題請

旌表

童生王士達妻易氏年十九于歸成婚一載夫沒矢志守節事親孝養無間撫姪為己子已歷苦節三十五年道光二年題請

旌表

童生鍾英華妻晏氏邑庠生晏超之女年二十一夫沒立志不渝茹荼撫孤得兩老姑及祖姑懽心氏現年五十

九歲子德齡川楚例捐從九孫蕃昌業儒道光二年題請

旌表

監生孫如棠妻袁氏年二十二歲夫沒遺孤幼穉翁憂子成疾姑哭誓日氏矢志茹荼代夫終子職生沒無憾已歷三十一年道光二年題請

旌表

武生易人傑妻劉氏年二十七夫沒矢志守節事姑存心盡禮撫姪承夫祧教育兼全氏現年五十一歲道光二年題請

旌表

彭蘭九妻汪氏年二十六夫沒不忍其夫無後矢志撫夫兄次子以繼姑年八十病痢氏與其姒陳氏親污穢不怠終喪如禮卒年六十一歲道光二年題請

旌表

童生劉樹繁妻李氏秉性貞靜幼凜女箴年十六于歸僅一載夫沒遺腹生一子甫百餘日即夭乃撫其姪爲嗣殷勤鞠育潔滄瀧以奉老姑氏現年五十九歲道光二年題請

旌表

童生余之仰妻袁氏庠生袁思女年十八于歸秉性清淑二十四歲夫沒家頗饒奉養舅姑唯謹居常清淨自處閑家以禮現年六十三歲子子芹監生道光三年題請

旌表

童生彭宏量妻柳氏年二十一夫沒誓欲身殉念姑老子幼強起養親撫孤孝慈備至卒年七十二歲

彭光源妻湯氏秉性幽靜年二十四夫沒矢志不移撫三歲孤兒藉紡績奉養翁姑卒年七十三歲嘉慶戊寅學院顧獎以額孫上選邑庠生

彭浦一妻易氏年二十九夫沒矢志守節撫數月遺孤奉事翁姑不懈卒年五十一歲

童生江錦紋妻盧氏年二十八夫沒勵志柏舟撫孤成立卒年四十七歲

監生施景棻妻樂氏郡廩生逢孫女年二十七夫沒誓志完貞撫其娣哺乳之孤爲嗣視如己出現年六十四歲袁壘二妻陳氏年十九夫沒立志守節孝養無違撫孤成立卒年五十歲

童生彭仁山妻廖氏監生家訓女年二十七夫沒誓志不二菽水奉姑和睦妯娌克盡婦道撫孤資紡績辛苦備嘗現年五十一歲

宜春縣志 卷之四
童生余之儀妻劉氏年二十六夫沒家貧姑老氏竭力奉養撫孤成立卒年六十六歲

童生汪其章妻鍾氏年二十八夫沒立志守節孝事翁姑慈育子媳年已七十餘歲

童生施學源妻錢氏監生家鴻女年二十二夫沒時翁姑在堂祇生一女氏奉養無虧撫繼子旋夭又撫弱孫復入零丁孤苦僅一曾孫相依爲命卒年八十歲

童生施學濬妻鄧氏監生聯鵬女年二十三夫沒矢志事老翁以禮無子撫繼承祧已入邑庠氏卒年五十一歲
袁卦八妻黃氏分宜監生世翰女年二十四夫沒僅生一

女無子氏立志守節奉養衰親撫姪爲嗣卒年五十六歲

袁榮階妾蔡氏年二十三夫沒僅生一女繼以元配李氏亦逝氏竭力孝養雙親撫繼夫姪爲嗣教育有成年已六十一歲承祧子應暄監生

童生彭洪岱妻易氏年十九夫沒家貧無子誓欲身殉觸棺雙鼻流血不已族隣救活乃念孀姑年老強起立志紡績以供其旨卒年五十一歲

童生周昌言妻易氏編修日廉胞妹于歸半載夫沒夫兄廩生臯言僅生一子俟再出爲氏立繼氏矢志堅操姑

沒翁老患足痺氏調進湯藥無懈容長奴亾撫幼姪有恩無異己出守節經十五載而沒

童生袁朝榮妻陳氏年二十五夫沒矢志守節勤鍼指以事舅姑撫三歲孤兒鞠育有成卒年四十三歲

童生彭宏謨妻艾氏年三十夫沒矢志事孀姑何氏撫兩孤如瑞如瑛成立後兩孤俱沒時如瑞妻羅氏年二十五遺孤定呈僅四歲何氏艾氏與羅共撫定呈相依爲命一門雙節三世孀居分宜進士林有席有傳艾氏卒年七十九歲羅氏卒年六十五歲

劉哲先妻易氏舉人之泰女年二十夫沒立志守節孝養

翁姑無子撫姪爲嗣卒年六十一歲

童生鍾掄秀妻湯氏歲貢生聲洪之媳年二十八夫沒矢志柏舟上奉一姑下撫孤兒竭力操持各盡其職卒年七十四歲孫秉鐸邑庠生

童生楊建性妻李氏年二十四夫沒矢志清操竭力訓子年已七十餘歲

監生楊向榮妻張氏年二十餘夫沒立志守節孝敬舅姑年六十歲子克岐克嶷皆援例入監

童生潘爾軾妻周氏年二十八夫沒家貧矢志撫雙孤奉養老姑卒年七十三歲

李昌舜妻易氏年二十六夫沒誓志不二孝事舅姑撫孤有成現年九十歲目擊孫曾林立堪慰苦操

劉謀遠妻莫氏年二十七夫沒清操自矢撫孤成立現年九十歲

童生湯學瓚妻饒氏樂陵知縣廷英之媳年二十四夫沒遺孤二竭力維持為長子婚配長媳早夭次子夫婦亦逝艱苦洊至現年八十八歲

柳萬光妻易氏年二十九夫沒立志守節孝慈備至現年八十四歲子鳳翔職員

楊紹廷妻謝氏年二十一夫沒無子誓志守節撫繼姪孫承祀善承堂上歡心現年八十三歲

易中節妻周氏年二十三夫沒上有翁姑旁無妯娌僅生兩女撫從姪為嗣亦早世遺一子旋夭養生送死氏肩其任厥後日食不繼不改貞操現年八十一歲

童生袁榮謨妻宗氏年二十二夫沒時翁姑尚有遺子僅三歲氏誓志孝養鞠育克稱其職現年八十一歲

童生余泰海妻辛氏年二十八夫沒撫孤立志事翁姑孝養兼全現年七十九歲

林成衡妻邱氏年二十八夫沒矢志守節善事翁姑撫孤現年七十九歲

宜平縣志 卷之三
周家棗妻汪氏年十八夫沒立志守節孝敬雙親遺腹生一子撫之成立卒年七十八歲

童生周丹書妻陳氏年二十九夫沒飲冰誓志孝敬翁姑勤課其孤成立現年七十六歲子二長機邑庠生次榜郡庠生出繼夫兄

庠生易中乾妻楊氏年二十三夫沒家世儒素清苦自勵惟勤紡績養老慈幼姪壻周進士德潤序其節孝學院潘額以節茂松筠現年七十六歲子大登邑庠生

童生譚盛棠妻江氏年二十一夫沒生一子甫週氏立志守節養姑鞠幼現年七十六歲子瑞祥

童生李增三妻晏氏年二十五夫沒子幼翁姑年老氏茹荼飲冰節事俯育兼盡其道現年七十五歲

童生夏高臨妻劉氏職員孔烜女年二十六夫沒無子撫夫弟旭臨之子爲嗣既娶媳子又夭仍撫旭臨之孫爲孫現年七十五歲

郡庠生梁都妻孫氏年三十夫沒冰霜自勵紡績維勤承夫志殷勤事親躡勉訓子凡有修建輒樂助學院王獎以額現年七十五歲子四守禮邑庠生守祺監生守福邑增生

童生周如鸞妻蕭氏年二十三夫沒誓志守節孝養翁姑

撫孤應現為娶婦生孫應現又沒又與其妻何氏亦勵
清操蕭年五十六卒何年二十九歲守節現年七十五
歲

鄧昌慶妻易氏年二十一夫沒家貧姑老氏立志撫孤仰
事俯育備極勤勞現年七十五歲

童生陳貴興妻黃氏年二十九夫沒誓志撫孤孝養無缺
現年七十四歲

童生劉人傑妻彭氏年二十九夫沒立志守節事親養送
如禮撫孤成立現年七十四歲子陞賢邑庠生

易仕源妻黃氏年十九成婚越九年夫沒代夫養生送死

課兒娶媳長子象觀援例授職孫曾林立氏現年七十

四歲

童生袁士仲妻李氏年二十二歲夫沒矢志撫孤需鍼指
以助堂上其旨現年七十四歲學院潘獎以額

童生袁芳駒妻鍾氏年二十二夫沒姑老子幼氏各盡其
道不負夫託現年七十二歲學院潘額以茹藥貞筠

童生譚洪烈妻劉氏邑增生子才之女年二十八夫沒家
貧勤鍼指上事翁姑下鞠三兒艱苦備嘗現年七十二

歲

劉斯楸妻鍾氏年二十八夫沒事九十餘歲老姑得其歡

心遺孤鞠育有成現年七十一歲

李富基妻黃氏年二十五夫沒時翁姑與祖姑並存又值

家貧無子氏竭力黽勉撫姪為嗣以盡孝慈現年七十

二歲

袁鉅五妻李氏年二十四夫沒勤紡績以奉翁姑撫遺孤

年至二十四歲而卒氏復與媳梁氏撫幼孫成立現年

七十歲學院王獎以額

童生袁芳條妻楊氏年二十四夫沒撫伯兄次子煤八為

嗣事翁姑孝養無虧現年七十歲學院王額以節孝維

風

廩生易繁妻任氏年二十九痛夫積學早世立志撫孤旋

天撫姪為嗣事上育下備極勤勞現年七十歲

童生劉學成妻周氏年二十四夫沒僅生一子家貧益勵

堅操現年六十九歲學院潘額以節茂松筠

童生劉文燦妻周氏進士德潤姑母并年躋燦甫生一子

燦即沒時氏年二十三歲冰雪自矢竭力奉姑撫孤成

立現年六十九歲

童生饒光芹妻張氏年二十九夫沒家極貧勤女紅以申

孝養姑死喪葬無資竭蹶踰歲始厝兩姪幼冲失侍待

之如子氏現年六十八歲子紹傳郡庠生

童生袁芳杰妻鍾氏職員錫璫之母年二十二夫沒哀慟
喪日矢志撫孤備極恩勤且得翁姑歡心性喜施予隣
里有所求輒應晚年見其子成立孫曾繁衍目復明學
院王額以苦節完貞現年六十八歲同堂姪邑庠生臨
民負才早世時年其妻晏氏年二十九歲無子守節人
並稱之

童生林若珩妻張氏年二十七夫沒時親老家貧無子氏
立志勤紡績以供薪米撫姪爲嗣現年六十八歲
萬象新妻楊氏年二十九夫沒誓志守節撫從子年珍爲
嗣後入邑庠氏現年六十七歲

黃榮爵妻周氏年二十七夫沒遺腹生一子矢志撫之家
貧藉十指爲仰事俯育計孤已受室復因病亡舅姑爲
立繼承祧氏現年六十七歲

張穎卓妻周氏年二十二夫沒家貧矢志守節養親無虧
撫二孤未幾俱夭艱苦萬狀又撫其姪承祧現年六十
七歲

童生劉明徵妻鄔氏年二十七夫沒誓志不二事翁庠生
仲文夫婦極其孝敬生一子撫之成立現年六十七歲
彭晏三妻鄧氏年二十四夫沒生兒甫週育之成立上事
年老翁姑皆得其歡心現年六十六歲

監生吳光裕妻萬氏年二十九夫沒矢志撫孤孝慈並著
現年六十六歲

文修和妻彭氏庠生祖堯孫女年十三于歸生一子二十
四歲夫沒立志守節現年六十五歲

歐陽儒樟妻黃氏年二十七夫沒家貧紡績養親撫孤成
立現年六十五歲

蕭天愛妻歐陽氏年二十八夫沒冰雪盟心撫孤成立孝
養不倦現年六十五歲

劉龍元妻李氏年二十四夫沒憫孤零丁代夫教育申饋
致潔孝養雙親祭葬盡禮現年六十五歲

童生袁巨楫妻周氏萬載庠生含章女年十九夫沒家貧
無子翁姑俱沒氏誓志奉事祖母立繼承祧現年六十
四歲

李堯潛妻梁氏年二十三夫沒矢志守節孝敬翁姑訓子
孫惟以勤儉孝友現年六十四歲

監生錢士誥妻劉氏年二十九夫沒奉養寡姑撫繼承祧
不替家聲現年六十三歲

童生彭森朱妻鍾氏年二十七夫沒矢志撫二孤成立上
事翁姑孝敬不衰現年六十三歲

童生劉其燦妻潘氏監生兆璜女年二十八夫沒撫孤事

親克盡孝養現年六十三歲子景元庠生

童生梁曰郁妻易氏庠生燉誠女年二十九夫沒敬奉孀

姑撫夫弟庠生曰猷之子尙松承祧現年六十三歲

李雲篆妻曹氏職員文翰季女年二十八夫沒立志守節

奉養高堂不少息撫二孤俱成立現年六十二歲

童生漆光華妻李氏年二十六夫沒僅一子勵志撫孤孝

養高堂現年六十二歲

監生劉其藻妻孫氏年二十九夫沒無子氏冰清自矢孝

養高堂撫繼恩勤彌篤現年六十二歲

童生劉培化妻甘氏萍鄉監生廷輝女年二十六夫沒勵

志事姑撫孤成立復亾氏與媳葛氏共勵冰霜撫姪孫

以承孤祧甘現年六十二歲

童生余泰濬妻歐陽氏年二十夫沒矢志柏舟勤鍼指以

奉翁姑無嗣撫夫弟子承祧現年六十二歲

童生吳煌金妻胡氏年二十八夫沒勵志守節撫孤養親

現年六十一歲

林定龍妻陳氏年二十九夫沒家貧勤紡績養老鞠幼克

盡其職現年六十一歲子肇監生

龍尙仁妻陳氏年二十六夫沒子穉親老氏冰心矢志事

翁姑以孝撫雛兒以慈迨子成立又逝兩世操持悉氏

任之現年六十一歲

監生譚兆元妻彭氏年十六于歸二十八歲夫沒立志守節孝敬舅姑遠近無間言現年六十一歲

童生梁錫冕妻彭氏年二十八夫沒事孀姑撫孤子紡績勤勞現年六十一歲

鄒懷廷妻喻氏年二十七夫沒矢志守節孝敬翁姑撫孤有成現年六十一歲

楊建樹妻辛氏年二十六夫沒誓志冰操孝慈備著現年六十一歲

童生易鳴祥妻彭氏年二十六夫沒時翁姑老邁子女幼

穉氏竭力操持現年六十歲子如珍監生

黃讓七妻施氏年十九夫沒生子僅一月氏以一身全上下卒克盡其道現年六十歲子中理監生

童生廖世鶴妻彭氏賦性貞淑才德兼優年二十九夫沒事上待下孝慈並著現年六十歲子二長家珍邑庠生
次家璠業儒

童生張景運妻易氏年二十三夫沒遺孤甫週氏矢志鞠育教以義方代夫終養翁姑現年五十九歲

童生彭文榆妻楊氏年二十一夫沒止遺一女氏不忍夫無後增翁姑憂矢志撫姪承祧現年五十九歲

黃若川妻吳氏年十六于歸越五載夫沒親老子幼氏堅持代終勤紡績以濟貧苦現年五十九歲

童生彭似章妻楊氏年二十六夫沒僅生一子甫三歲家貧勤紡績仰事俯育罔有缺憾現年五十九歲

童生彭霖兩妻袁氏年二十五夫沒家貧貧薄上養舅姑下撫雙孤全仗鍼指以供朝夕現年五十八歲

童生黎閣勲妻蕭氏年二十五夫沒立志守節撫兒事姑孝慈兼盡現年五十八歲

童生黃邦本妻鍾氏年十五于歸時翁已逝事姑極孝二十三歲夫沒遺三男皆襁褓在懷即矣弟亦弱齡氏竭

力維持皆俾之成立現年五十七歲

庠生余子敬妻湯氏年二十六夫沒無子撫姪承祧孝事翁姑現年五十七歲

劉鳳翔妻彭氏年二十四夫沒誓志不二時翁逝姑存菽水承歡子一孫二鞠育劬勞現年五十七歲

童生鍾紹仁妻楊氏年二十六夫沒矢志守節孝敬翁姑撫孤有成現年五十七歲

童生周幹成妻楊氏年二十四夫沒冰霜自矢孝敬翁姑生沒盡禮勤課兩孤季已入庠現年五十七歲

童生周仕凝妻聞氏年二十三夫沒矢志守節夫所繼父

宜奉縣志 卷三
維詩早逝事其生父郡廩生維鼎孝敬無違家貧子幼
教養有成現年五十餘歲

萬柳四妻袁氏年二十八夫沒柏舟勵志撫孤成立現年
五十六歲

童生彭春芳妻胡氏年二十一夫沒遺一子甫週齡氏茹
荼矢志敬奉老姑撫孤成立現年五十六歲

監生傅性福妻胡氏邑庠生之棠孫女年二十二夫沒無
子撫姪爲嗣事舅姑代終子職現年五十六歲

童生羅金玉妻龍氏庠生燦辰女年二十七夫沒立志守
節孝慈兩盡現年五十六歲

庠生朱家良妻李氏年二十五夫沒柏舟自誓養老撫幼
劬勞不倦現年五十六歲

楊淳菴妻謀氏副貢生學成女年二十五夫沒養老撫孤
克盡其職現年五十六歲

邑庠生林飛鵬妻郭氏年二十九夫沒無子撫夫姪爲嗣
竭力撐持惟以勤儉自處現年五十六歲嗣子援例入
監

童生易文壽妻李氏年十六于歸二十九歲夫沒遺腹生
一子教讀婚配雖未及事舅姑祭必以誠現年五十五
歲

童生龍玉成妻盧氏年二十三夫沒撫姪高傳爲嗣養老慈幼勤紡績以爲供給現年五十五歲

庠生陳棻妻甘氏庠生士穆女年二十四夫沒姑老子穉氏竭力撐持孝慈並盡現年五十五歲

童生李友蘭妻潘氏年二十一夫沒痛不欲生以上有祖姑翁姑下有孤兒乃強起立志仰事俯畜克終其事現年五十五歲

童生曹志清妻黃氏庠生國華幼女年二十六夫沒上事老姑以孝敬聞課四孤子季入縣庠現年五十四歲

童生陳光嵩妻彭氏年二十七夫沒遺孤年幼撫之成立事翁姑藉鍼指以供其旨現年五十四歲

童生湯之寅妻彭氏監生鶴年女年二十四夫沒堂有雙親家無恒產撫雙雛茹荼嘗蓼現年五十四歲

童生余泰鄰妻龍氏年二十二夫沒立志撫孤奉養雙親現年六十四歲

周潤十妻何氏年二十九夫沒矢志守節清操自勵現年五十四歲

邑庠生黃家模妻陳氏年二十八夫沒誓欲身殉勉從堂上命撫兩孤克盡孝慈現年五十餘歲

童生余子瑛妻何氏年二十二夫沒茹荼自勵後子與壻

皆以名顯現年五十三歲

童生劉建中妻王氏年二十九夫沒遺孤數齡撫育成立終事老姑現年五十三歲

童生易象臨妻張氏年二十六夫沒孝事雙親撫姪德輝承祧現年五十三歲

童生譚論善妻駱氏年二十一夫沒矢志守節孝事翁姑撫孤成立現年五十三歲

張洪負妻何氏年二十八夫沒無子誓志不移撫姪承祧並得翁姑歡心養送盡禮現年五十三歲

劉坤七妻陳氏年二十三夫沒僅生一子甫三歲紡績自

持教育有成現年五十三歲

童生李莪儒妻袁氏年二十二夫沒僅生一子勤紡績撫之有成現年五十三歲

童生曹士亮妻李氏職員宗縉幼女年二十五夫沒勵志事姑撫姪叔廷承祧現年五十三歲

童生龍恕妻鄒氏年二十九夫沒矢志守節上事婆姑下撫穉子備歷劬勞現年五十二歲

童生楊作偲妻劉氏年十九子歸時姑已逝家貧事翁盡禮二十九歲夫沒僅生一子茹荼艱辛撫之有成現年

五十二歲

童生彭從道妻鍾氏分宜兵部員外郎定邦孫女年二十九夫沒冰操自矢事上撫下孝慈備至現年五十一歲
邑庠生袁鳳儀妻陳氏年十八于歸二十九歲夫沒立志守節撫孤養親現年五十一歲

童生吳秉玉妻盧氏年二十二夫沒孀居三十載事上撫下克盡無違現年五十一歲

童生陳膺瑞妻冷氏年二十六夫沒無子撫姪承祧孝慈兼盡現年五十一歲

監生譚兆爵妻彭氏年十五于歸二十九歲夫沒誓志自守養生送死女嫁男婚悉身任之現年五十一歲

童生袁佳瑞妻劉氏分宜監生嘉岐次女年十七于歸靜好無違佳瑞負姿英邁年二十未售而卒時氏二十一歲矢志守節孝敬翁姑撫孤勉以詩書無少姑息現年五十一歲子之傑郡庠生

郡庠生郭炳亮妻李氏年三十夫沒清苦守志姑老子幼氏藉織紉鍼指為供養現年五十一歲子二長晃邑庠生

監生劉其清妻聞氏年二十八夫沒清操自勵孝養無違撫孤成立現年五十歲

童生鄒五煥妻李氏年三十夫沒僅一子撫之成立不貽

堂上隱憂現年五十歲

童生劉其滋妻辛氏年二十五夫歿立志不移撫姪爲嗣
善事舅姑孝養兼盡現年五十歲子廷傑職員

陳世龍妻潘氏廩生學泉次女年十五于歸甫半載夫沒
無子撫姪承祧事親甚孝族里稱之現年五十歲

楊耀松妻盧氏年二十三夫沒事親盡禮課子成立現年
五十一歲

童生施景材妻張氏邑庠生見奎女未嫁夫死時氏年十
七奔喪守志事翁姑孝養惟謹撫姪承祧已入泮生孫
現年四十六歲視已嫁矢志者尤爲節義凜然

潘善成妻晏氏年十九夫沒無子誓不願生因翁姑勸勉
乃強起奉事高堂撫姪承祧現年五十七歲

盧首唱妻陳氏年二十八夫沒誓欲身殉因翁姑勸諭乃
強起撫孤立志守節孝養無虧乾隆丙寅教諭周宏勳
額以玉潔冰清卒年六十八歲子一景榮庠生孫豐舉
人坤坎艮俱庠生震職員曾孫可材邑庠生

陳愧賢妻李氏事夫黽勉同心奉養八十六歲孀姑承歡
無違及夫早世延師課子備極殷勤後五子皆以名顯
童生李師渤妻理氏炳八長女年二十八夫沒家貧守節
養親撫孤備極勤勞堂姪孫邑庠生春觀兄弟幼孤撫

養有成晚年三子俱亾境益窘又撫諸孫成立卒年八十七歲

庠生陳然昌妻楊氏年三十夫沒時親老子幼氏矢志守節仰事俯育備極勤勞茹荼數十餘年人無間言子三遊庠者二

增生陳希垣妻徐氏年三十夫沒矢志守節上事翁姑下撫孤子卒年七十八歲子廷鏞邑庠生

袁臨福妻林氏年二十二夫沒家貧僅遺一子氏矢志養姑撫孤成立卒年八十一歲

袁起金妻鄒氏年二十八夫沒家貧守節勤紡績上事翁姑下撫孤兒卒年七十二歲同堂姪孫焚九妻嚴氏年二十六夫沒守節歷四十年學院潘旌有額

童生陳希裁妻康氏性謹恪奉姑維勤年二十七夫沒堅貞守節撫孤有成卒年六十三歲

童生潘錫華妻袁氏年二十二夫沒時遺孤僅月餘雙親年老氏拮据矢志孝養罔缺教子有成卒年五十八歲子爾輿監生孫兆升職員廷燦監生如松庠生

童生錢士鶴妻袁氏秉姿清淑明達大義年二十二夫沒遺子一女一矢志冰操事親撫孤卒年五十二歲

童生廖世坊妻李氏年二十一夫沒誓志奉姑撫孤家榮

成立卒年四十七歲

庠生盧良妻漆氏年二十五夫沒誓志守節奉養舅姑無子撫姪邦俊為後現年七十六歲

童生潘爾載妻何氏年二十二夫沒時翁姑俱亾又少期功強近之親氏竭力操持撫孤有成現年七十六歲

童生孫光國妻李氏年二十九夫沒立志守節奉養老姑撫孤成立現年七十四歲

童生劉君安妻甘氏年二十七夫沒遺二子一女矢志守節奉養舅姑並為長子娶媳嗣二子俱亾媳亦早卒無所出貧苦莫甚現年七十三歲

監生劉洪勉妻歐陽氏知縣師殷之媳秉性柔順孝敬翁

姑年二十八夫沒於繁昌官署扶柩歸里隨翁亦逝宦橐蕭然氏矢志守節無子撫夫弟之子承祧現年六十

六歲

童生樂呈書妻劉氏年二十五夫沒矢志撫孤奉翁姑得其歡心喪葬盡禮課子有成立現年六十五歲

童生湯占先妻陳氏年二十夫沒無嗣矢志守節撫姪瑞蟾承姚事翁姑盡禮待妯娌無詬諍聲茹荼四十載現

年六十歲

庠生潘兆迪妻汪氏秉性柔順年二十三夫沒立志撫孤

奉養舅姑現年五十九歲

易必壽妻晏氏監生淑琴之媳年十八于歸二十九歲夫
沒生三子鞠育有成現年五十七歲

童生錢士鳳妻嚴氏年十五成婚二十七夫沒遺子二女
一矢志守節奉老攜幼現年五十六歲

譚盛池妻湯氏年二十六夫沒遺子宗喜甫四齡立志撫
孤奉養雙姑現年五十三歲

童生劉思暢妻彭氏年三十夫沒矢志奉姑撫姪訂謨如
亡出向生三子俱天惟遺一女適東城周氏現年五十
一歲

劉華國妻甘氏年二十七夫沒守節卒年七十一歲長子
耀昆妻黃氏年二十四夫沒無子矢志節操卒年六十
二歲次子邑庠生珠妻譚氏年三十夫沒矢志撫孤現
年六十七歲

李汶三妻韓氏年二十四夫沒善事翁姑撫孤成立卒年
五十歲

曾泰富妻歐陽氏年二十六夫沒守節奉姑撫孤有成現
年五十二歲

童生傅學成妻劉氏庠生樹德之姊年十八于歸二十六
歲夫歿生一子矢志守節家貧紡績度日孝敬老姑未

幾子卒竭力撫繼如同己出卒年八十二歲

童生彭相瑾聘妻樂氏未嫁而夫歿時年十九歲聞訃哀哭誓不欲生投繯者再氏父母嚴守數月不得死乃請赴彭守節至今事翁姑以孝聞宗黨悉欽敬之

節烈

明

廩生王道明妻易氏性溫淑孝事舅姑崇正癸未冬避賊遠村爲左兵搜獲牽其手易憤罵曰吾手豈可污奪刀自斷之復曰何不速殺我賊怒殺之事平道府旌如例祀節孝祠同時婦女如選貢生彭汝明妻張氏庠生彭汝聽妻湯氏汝楫妻張氏俱以不從賊遇害

貢生李京妻劉氏性慈和治家有聲崇正癸未冬偕子女避賊山中左兵搜獲之劉知不免卽叱罵求速死左兵百計窘逼不可奪遂殺之祀節孝祠

宜春縣志 卷之四
彭克成妻袁氏庠生彭士俊之媳崇正癸未左兵至氏從
姑易氏匿山中兵搜獲殺其姑挾氏欲與俱往氏哭罵
不絕躍入江流兵刺死事平知府傅元正知縣朱茂暉
彙請旌表

廩生潘鑾妻翟氏崇正癸未左兵肆殺掠氏年甫三十挈
幼子避山巖兵圍遶之氏度不得脫奮身巖巔投石擊
賊毒罵不絕口兵索之愈急乃置子茅葦中引刀自刎
死子洪謨洪烈皆以文名庠序間鑾固篤學力行士也
臨貢不就隱居高尚世以爲夫婦克配云祀節孝祠
劉先四妻易氏秉性貞靜端莊純篤崇正癸未被左兵擄

挾堅執不從投清澗江死祀節孝祠

庠生梁峻植妻聞氏素嫺閨範持理守正崇正癸未冬遭
左兵猖獗擄而欲污之氏堅拒叱罵不絕聲兵怒甚遂
拔刀亂砍死人皆稱其節烈祀節孝祠

郡庠生張相懷妻潘氏性貞靜年十四歸相懷孝事舅姑
相懷早沒氏甘荼苦紡績教子歷三十年相操凜然崇
正癸未左兵亂避集雲鄉羣寇圍逼氏奪刃自刎葬城
北石地方金星祖塋子文雲文鳳文麟俱醇謹長孫自
鳴郡增生次自鸞郡庠生曾孫世球邑庠生世稱節烈
流芳

郡庠生劉而寬妻王氏避兵集雲鄉爲寇所獲投六口江而死

劉一菁妻甘氏年十九夫沒無子氏拮据葬夫服除母家議改適甘曰我未讀書不知古節婦事但聞人言忠臣烈女有死無二常心識之今惟矢守此語紡織以終餘生雖之死無怨也四十餘年安貧茹苦如一日請旌如制左兵掠郡甘被殺祀節孝祠

劉和積妻袁氏年二十二夫沒撫子芳聲僅二週崇正癸未遭賊不辱而死媳楊氏年二十四芳聲沒撫遺腹子人稱一門貞節袁氏祀節孝祠

皇清

邑庠生陳昌言妻劉氏善事翁姑康熙甲寅九月棚寇猖獗携媳潘氏潛匿黃岡之龍坡嶺五日未火食賊至不能起姑媳揣必受污拾石亂擊之俱被殺祀節孝祠縣胥曹顯耀妻劉氏年二十餘夫亾哀痛絕粒越五日投繯聞于縣知縣胡巴捐俸給其舅曹秀之爲氏營斂且令同穴立碑墓側以表其義

歲貢生張鴻翥妻許氏康熙甲寅棚寇猖獗懷六月兒出奔遇寇脅之不從赴水死寇持其男去後十八年父子復合

童生張麟文妻彭氏幼習母儀素明大義事親相夫敬恭
備至康熙丙辰棚寇擾亂里人驚竄氏亦與夫兒逃避
至大橋遇賊出計全其夫兒自投江而死教授何仁有
傳

胡奇賢妻曾氏因拒強暴羞忿自縊乾隆四十三年

旌表

袁坤七妻夏氏乾隆戊申十月十七日夫病故氏于是夜
自縊解甦明日刎頸卒夫弟憫其無嗣以已子佳楫繼
之後納監生族舉人起宇有傳

童生趙上選妻何氏年二十夫故喪事畢閉戶自經死其
未死時省親掃墓並其身後殯斂各事皆豫爲料理
汪橋七之子麟生幼聘萬載龍氏乳名紅蓮其後母家得
悉麟生抱自他人逼其改適氏聞言流涕卽投繯以死
嘉慶二十四年奉

旌表

童生李衡英妻彭氏職員大榮次女年二十于歸秉性貞
淑孝養舅姑二十六歲夫沒奮不顧生忽觸礎忽持剪
刺喉舌俱破族鄰救活乃免隨擇從姪純儒承祧畢遂
不食而卒

花先春之妻張氏柘溪張梁八女其夫於嘉慶庚辰三月

身故後有鄰媪見其家貧微諭其改適氏仰天大哭曰
 我夫死時已指天誓死以殉因姑老子幼始志未決汝
 何得以此言辱我乎大聲詈之不已即于八月初四日
 自縊而死時年三十二歲

彭之佐妻何氏康熙甲寅棚寇猝起夫婦被執氏憤罵不
 從遂磔之夫亦死焉 補編

貞女

皇清

李賦秀薦裏鄉九七人占春之女許字劉士生未嫁而夫
 夭女年甫十三父議擇所適賦秀曰吾業以身許劉豈
 容更適父曰女何依答曰嫁從夫不嫁從父母禮也堅
 貞守志年四十五卒

楊瘦妹父秀六妻沒無子瘦妹語父曰吾姊妹二人俱嫁
 父將疇依請以妹字人兒願終身膝下父異之如其言
 家貧勤女紅以養父終其身年七十四卒

彭芹秀童生如松之女當十六歲時父母俱从病在床兒

患癘瘵父母慮未及時許字女願奉湯藥終身不嫁及
母劉氏卒兄凶芹秀代父經理弟妹婚嫁父卒家益窘
惟閉戶持齋誦經足不出榻近鄰罕見其面卒年五十
六歲

烈女

明

孫氏女許聘陽遵哲陽當戍遼東父議別婚孫自縊而死

祀節孝祠

宜春縣志卷二十五

仙釋志

宜邑多奇山水靈異所鍾仙釋不少仰山慈化尤爲禪
家宗派神仙之說雖多荒渺然佛老二氏流傳至今其
靈跡昭彰見聞所及者亦取修煉專精功成證果之意
志仙釋

仙

晉

楊慧一作惠字法道陳孰字歸真俱本邑人與萍鄉易隱字

退楠者結廬萍鄉之九嶷山煉氣朝真朝夕不倦越二

十年丹成永嘉九年正月既望皆凌雲去置九嶷觀祀之宋政和中有司以聞封真人載安志

鄧表本邑人嘗修煉於小仰山又號鄧表峯有星壇石白藥竈湖岡臺上即表故宅山頂有丹臺丹池及禮斗石載名勝志

按峯有慈雲菴即鄧表修真處并有紫雲觀煉丹池養丹臺棋盤石丹仙臺神仙菜水晶石

唐

袁天罡

一作綱

益州人

即成都府

父璣梁州司倉祖崧仕周歷魏

為蒲陽二郡守車騎將軍曾祖達仕梁江黃二州刺史

仕周歷天水懷仁二郡守罡少振貧好道藝精於象術歷驗不爽隋大業中為資官令唐武德初蜀道使詹俊赤牒受火井令嘗登山相縣治後人因名其山為相臺一日高士廉問天罡曰君終何官曰火井令及夏四月數將盡矣如期果以火井令卒子德師精父術亦以神妙名聞于世載唐書及史畧

按府縣前志所載天罡事實不一且傳府地形如龜天罡於城內鑿龜鼻矧目井以全龜像是其所為不專為民汲且取克制回祿之意攷嘉定志州守李觀民張杓修治並無天罡姓名不解前志差悞至是第已牌祀多

年不忍輒廢因附別事實於此至云其墓在府大堂太守升堂必側坐今因之尤不知其何據

湯迪應天句容縣人世居進賢鄉忠信里殷家巷口歷金陵節度使改袁州刺史任滿致仕隱居宜春集雲鄉嘉猷里遂家焉曾爲太尉身後屢護國受勅褒封宋有顯化錄兵燹後遺失無存袁人立廟奉祀卽以太尉名之墓在城南六十里仰峯載仰山錄

按府志載太尉廟在宜春縣治後左唐時湯迪刺袁有功至今袁人祀之惟謹考之秩官未載今補入

伊用昌不知何許人與妻乞食多在江右廬陵宜春諸郡出語輕忽常爲人毆擊呼之爲伊瘋子愛作望江南詞與妻唱和詞旨有微旨妻有殊色富豪子弟以言笑戲調不可犯後至南城縣丐死牛肉食之死後人有見之者夫妻皆躡虛而行發視所埋處惟有爛牛肉無別物載全唐詩

南唐

沈彬本邑人唐末浪跡湖湘隱雲陽山好神仙善賦詩烈祖輔吳表授祕書郎與元宗遊俄懇還以吏部郎致仕元宗遷南都彬年八十餘來見厚賜粟帛以其子元爲祕書省正字次子鱗性至孝廬墓感烏來巢之異載府

志

按十國春秋載彬嘗指鍾山雷擊柏木四片曰此天所以賜吾也亟命治櫬諸子不敢違陸游南唐書載彬高安人以吏部郎中致仕年八十餘嘗杖策郊原手植一樹識之語其子曰吾當藏骨於此及卒伐樹掘地至丈餘得一石槨製作精麗光潔可鑒蓋上有篆云開成二年壽柳舉棺就之廣袤中度江南野史載彬年將八十近居阜上有大樹可數拱嘗指示家人曰吾死可葬此及卒穴其處乃古塚耳見一古燈臺有漆燈一盞壙頭獲一銅牌有鐫篆云佳城今已開雖開不葬埋漆燈猶

未滅畱待沈彬來稽神錄載彬爲吳興人一統志載彬墓在京口丹陽縣廣輿記載彬墓在瑞州府城西北通志據南唐書載在高安宣政鄉惟府縣前志俱載彬宜春人考陳節墓誌銘宜春石裏鄉境在南唐以前屬高安縣萬載鄉後宋以萬載鄉爲場又升爲縣割隸袁州似彬以高安宜春互書或爲石裏鄉人亦未可知

沈鱗字廷瑞一字紫庭尙書郎彬子學道於玉笥山常衣單褐風雪不易跣行日數百里林棲露宿老而不衰嗜酒工詩自號爲沈道者嘗直造縣宰之坐宰不怪戲之曰沈道士何時成道鱗應聲云何須問我道成時紫府

清宮自有期手握藥苗人不識體含仙骨俗怎知書符
解遣龍蛇走動印還教海岳移他日丹霄誰是侶青童
引駕紫雲隨宋雍熙二年有闔山道士曾昭瑩訪玉笥
途中遇廷瑞因問曰道者何之答曰暫到元都尋當入
廬山遺度人經二卷詩一篇與昭瑩云南北東西事人
間會也無昔曾棲玉笥今也返元都雲片隨天濶泉聲
落石孤丹霄人有約去採石菖蒲昭瑩訝其語不凡入
宮首訪之其徒云羽化驗其墓有穴可尺餘向左畔開
視之惟見空棺穴旁得紙片遺詩云虛勞營殯玉山前
殯後那知已蛻蟬應是元神歸洞府更無遺魄在黃泉

靈臺已得修真訣塵世空留悟道篇堪嘆浮生今古事
北邙山下草芊芊載全唐詩序及真仙通鑑

馮觀國邵武人號無町畦道人幼警悟習儒業既冠游方
外刻意神仙術遇異人傳授得導引內丹之法凡天文
地理性命禍福之妙皆不學而精人呼之曰馮顛好吟
詩嘗遊宜春挾術行市人或譏其醉飲狂怪者以詩謝
云路遍紅塵四百州幾多風月是良儔朝來應笑醜顏
叟道不相侔風馬牛又述懷詩云落魄塵寰觸處深
藏妙用散神仙筆端間作龍蛇走壺裏常挑日月懸謾
說人倫來混世只將酒盞度流年潛修功德歸何處笑

指瀛洲返洞天紹興二十三年季春十四日端坐作偈而逝郡守李觀民命塑其真身於治平宮後移澄心觀載上高志

宋

羅昇本邑人少貧業屠狗晚遇異人授以方術年幾百忽一日辭親戚奄然逝後有見昇賣藥瀏陽市中寄書鄉人歸乃其沒之明日時政和八年載府志

周貫不知何許人自號木雁子治平熙寧間至袁州見市井李生者有秀韻欲攜同歸林下而李嗜酒色意欲不從貫指畫藥鐺作偈示之曰頑鈍天教合作鐺縱生三

脚豈能行雖然有耳不聽法只愛人間戀火坑尋死於西山方將化人間其幾何歲貫曰八十西山作酒仙麻鞋靴斷布衣穿相逢甲子君休問太極光陰不計年後有人見於京師橋付書於袁州李生云我明年中秋夕時當上謁也至時果造李生時以事出乃以白土大書其門而去曰今年中秋夕來赴去年約不見破鐵鐺彈指空剝剝李生後竟墮馬折一足載冷齋夜話

元

黃東美不知何許人嗜酒落魄人異之有贈黃美人詩輕盈逸宕既卒有人自湖外見之寄聲邑里問舊游方知

其尸解載府志

盧祝二仙相傳一姓盧一姓祝北門城下秀江有潭深窈莫測多水怪城屢傾塌二仙嘗顯靈降伏因立廟鎮之按二仙里居名氏與得道年月均無考姑置此

明

鍾氏牧童薦裏鄉庚溪人其鄉有書寶臺高峯筆立天將雨雲起日照如積雪峯頂巨石類楸枰昔童見二人對奕終日不飲食異之歸告母母作飲饌命貺之再三酬以二桃屬童食一以一遺母及半嶺食之苦甚並擲叢莽他日詢遺母否語以故仙爲惋惜謂桃異時成樹遇

大旱登樹呼風雨立至果符所屬未幾童尸解體盡金色鄉人立廟塑像山巔禱雨輒應廟今圯遺址尙存

釋

唐

普明祖師本邑人俗姓彭名遜前娶三妻秦氏藍氏趙氏子三圓明圓正圓覺修煉萍鄉之瑤金山有淥水洞靈丹井性豪邁類狂人世號顛仙曾緣事坐遣扶桑楊典史械送三年始至其地次日師告歸楊曰師有術朝發夕至如我何師授以薑囑可療小兒腹疾博饗殮比近宜境擲薑於彬江至今薑山以仙種得名師自釋歸再

修煉於宜春臺瑤金菴著有圓明正宗二卷將得道囑
徒以金鐘罩於秀江側火爇七日卽成佛至第六日衆
徒啟視師猶坐遂投河去其鐘內四面均現有爪痕經
迹唐開元間勅封天人教主宣授佛慈普濟大師仁慶
玉佛載唐集

按府志于普明祖師傳後據一統志載僧普濟大師昔
居瑤金山爲道場上有淥水洞靈丹井唐時勅封爲大
師今四方奉祀如故明係重出今正之因附是傳于後
智常禪師俗姓劉名常進本邑人焉祖法嗣目有重瞳以
藥手按摩致目皆俱赤號赤眼歸宗後示寂勅謚至真

禪師載景德傳燈錄

按五燈會元云智常南嶽二世法嗣李渤問芥子如之
何而納須彌智常曰人言學士讀書萬卷信乎曰然智
常曰是心如椰子大萬卷將安所置之渤大悟計其時
在貞元元和間去六祖已遠矣智常卽存必無復師馬
祖之理而廬山志又謂智常任歸宗先結廬黃石岩至
壇經所載智常信州貴溪人法號雖同籍貫各別恐別
又一人

慧寂韶州懷化人姓葉九歲於廣州和安寺投通禪師出
家十四披髮未登具卽遊方初謁耽源應真真曰國師

當日傳得圓相七十九箇乃六代祖師所留也授老僧曰吾滅後三十年南方有沙彌來到大興此教次第傳授無令斷絕今適子來當以付之師既領元之後叅滌山遂升堂與會昌元年師來自郴遇二白衣神指其地至袁之仰山創菴以居後有僧乘空至曰特來東土禮文殊却遇小釋迦就講論大有所契遂出梵書貝多葉數十與師作禮騰空而去將示寂說偈抱膝而終法嗣光通塔於集雲峰下謚至通禪師妙光之塔嗣滌山祐禪師法道盛化人皆宗之曰滌仰宗皇慶元年詔封開山祖師小釋迦曰慧慈靈感昭應大通正覺禪師載府

志

按前志云慧寂學佛有成開成中至袁之仰山創菴以居林間錄云慧寂初在玉莽山僖宗乾符六年山神請曰東南有大仰山福地師乃遷焉唐陸公希聲增銘云師名慧寂世韶州族葉氏文宗朝從滌山大圓師悟曹溪心地直指之奧又從國師忠和尚得元機境置之妙張商英仰山廟記云唐武宣間釋之徒有惠寂者以嗣滌山靈祐之道宴坐間禪床陷地尺許山神跪曰吾地薄不足以棲袁州南仰山師所居也會昌元年寂尋澗以入夜憇大樾有二白衣指集雲峯下菴基居數月神

告以陋旅據水上遊恐汗飲漱遂徙居下流五里三年
四月十三日神又以淨侶日盛請徙居中途是夕大風
雨拔木黎明廟已建於堵田其師爲山先以正月八日
去世寂于是日營齋於是城中火神於空中具述其事
太守再拜許之火乃滅神又言宜造僧堂擊鍵椎如叢
林之制衆又從之似此數說互異且慧一作惠因並附
錄于此餘詳藝文

僧虛中本邑人客于馬氏與僧齊已尙顏棲蟾爲詩友任
湘西栗成一作深城寺有碧雲集一卷嘗寄華山司空圖侍
郎詩曰門徑放莎垂往來投刺稀有時開御扎特地挂

朝衣嶽信僧傳去天香鶴帶歸他年周名化無復更表
微圖答詩云十年華嶽峯前住祇得虛中一首詩載全
唐詩

按王禹偁云人多以四皓一疏目司空圖惟僧虛中贈
圖詩云道裝汀鶴識春醉野人扶言其操履檢身非傲
世也又云有時看御扎特地挂朝衣言其尊戴存誠非
邀君也圖詩有云十年大華無知己十國春秋作十年華嶽峯頭任只
得虛中兩首詩言得其意趣也茲考道裝春醉二語乃
虛中經賀監舊居詩禹偁以爲贈圖語不知何據

善道可文法嗣也任木平山師肉髻螺紋金陵李氏嚮其

道迎請供養待以師禮異跡頗多嘗咒飯飼龍後人爲
建飼龍亭後後謚真寂禪師塔曰普慧載傳燈錄

僧文喜嘉興義和鎮人本姓朱氏七歲爲僧戒律精嚴往
叅洪州仰山禪師言下頓了後徙無著而逝葬於靈隱
之西塢載吳越春秋

按仰山禪師先任仰山徙豫章觀音院仍以仰山爲名
僧全付會稽人隨父爲估客至豫章聞禪會之盛求出家
遂抵宜春仰山禮南塔已而還東府文穆王特嘉禮重
賜紫方袍不受改賜衲衣號純一禪師全付曰吾非飾
詞恐後茲吾而逞欲耳天福二年東府戎將爲闢雲峰

山建院名曰清華開運中坐逝有大風振林木踰時乃
定載吳越春秋

宋

法普仁壽人幼不茹葷精勤踐履苦行卓然居仰山四方
緇流多從之宰相張商英聞於朝賜紫方服後杖錫雲
遊久之復歸居靜惠室有僧在其中夜夢神告曰此非
爾所覺卽遷別舍明日法普至而居之宣和初召住嶽
麓辭不往作頌而逝載一統志

德一本邑人九歲出家詣仰山叅簡禪師後雲遊四方禱
雨輒應有云振法雷擊法鼓布慈雲灑甘露又云竚看

長空垂巨澤直教四海盡豐登紹興末忽作頌擲筆而逝載府志

牧菴鄞人性專靜叅佛眼禪師造次不忘提撕後登廬阜結茅衡嶽以棲載府志

雲巖舜禪師世姓胡本邑人以皇祐間住廬山棲賢寺仁宗聞其道行復以僧服寵錫賜銀鉢孟再領棲賢載釋曉瑩羅湖野錄

普菴祖師諱卽肅本邑人俗姓余政和中生石裏鄉太平里生之夕有祥光之異甫六歲夢一僧點其胸曰汝他日當自省師悟以白母母視其點紅瑩大似世之纓珠

遂許師出家年二十七祝髮禮壽隆院賢和尙爲師賢授以法華經典師曰諸佛元旨唯貴心悟數墨循行何益於事乃辭賢游湘聞牧菴忠公倡道瀉山因問萬法歸一一歸何處牧菴豎拂示之師有省歸壽隆脅不沾席者十二載一日閱華嚴經至李長者達本忘情知心體合論豁然大悟遍體汗流曰我今親契華嚴境界矣良久云不可說不可說卽述偈曰捏不成團撥不開何須南嶽又天台六根門首無人問惹得胡僧特地來師自是體用兼修機鋒特妙有僧稱道存自蜀冒雪訪師旣見相與徵詰與義僧曰師再來人大興吾道非師

其誰因指雪書頌而別師之任壽隆也隣有慈化院者僧徒數千人建炎初經火衆稍散至是闕任持迎師居之師居慈化凡四方慕道來者師隨機引誘其以災患疾苦請或書頌或灑水與之無不立驗有人赴總管府首師妖者巡司奉檄勾師師至見一龍乘雲下須臾風濤生屋底白晝晦冥巡司叩頭謝譴具以狀呈府府守李姓者善雷術聞之益信以爲妖也遂乘便道抵院曰假汝壇場施吾法事行之三日雷無應抱慚歸師云將天鼓相送忽有雷從北方起電雹交作守投師懺悔乃止而師名益傳播遠近師見朝謁日衆人事旁午乃離

院潛入南山石巖下靜坐歷二載無有知者楚丁驥劉汝明故與師結方外交夜望南巖上有光徹天曰此必師所在也相與披榛覓路旣遇師但見龍虎吟嘯響振巖谷二人大生驚怖師叱畜生且化身來勿驚檀越二人乃請師還山師弗許固請方許之二人復進曰慈化地氣索莫屋宇湫隘曷因其時革故鼎新可乎師曰固吾意也於是移向南泉中降伏邪魔重建梵宇先是師夜坐聞觸門聲甚急啓戶視之見一白牛伏地乞哀師知其罹庖丁災也卽命侍者取錢贖之乃囑牛往南窰踪泥造瓦以求解脫牛悉從令一夕師騎牛吹鐵笛遶

黃圃而游者三匝衆莫測所以越明年己丑七月二十一日卒事出錢文薦記中其語錄久傳世有 文廟御製敘嘉熙元年以禱雨輒應詔謚普菴並封寂感禪師塔曰定光淳祐七年加封妙濟寶祐三年以禱止京中疫癘加封真覺咸淳四年加封昭貺元武宗大德四年加封大德皇慶元年加封惠慶于寂感之上塔曰定光靈瑞命學士程鉅夫爲文趙孟頫書之明永樂十八年詔封師普菴至善宏仁圓通知慧寂感妙應慈濟真覺昭貺惠慶護國宣教大德菩薩今其地爲慈化寺萬歷四十四年僧聞秀赴京奏請藏經勅賜全藏六百七十八函勅二道賜金七十五兩并紫衣寶旛至四十五年賞歸本寺載南泉山志

普菴祖師加頌手書金字金剛經一部

明郡司理丁聖時持至原籍湖

廣巴陵縣御峒鄉供奉其于春元時見經疊現靈光本寺僧文相于康熙十年八月赴府備述經卷始末叩請批文取回驗之字跡端楷色澤輝煌第歷年既久恐墨跡難久傳世乃遍聘名手鑄石五十四片佛像木版四葉俾祕藏慈化寺以垂不朽太守李芳春誌

會禪師姓冷住楊歧山中有楮大巖一大蛇常入寺盤繞

師側受師戒或遣去則不敢少留有縣尉欲以非意加之蛇輒張目向前尉怖謝知爲精戒律禪師載府志按指月錄方會宜春冷氏子少警敏不事筆硯及出家

定考鼎元 卷三
闕經典輒自神會折節老宿後受慈印記任楊歧山皇
祐改元示寂塋於雲蓋似此與會禪師明係一人府志
分列爲二因考正並附是傳于後

元

行偉仰山禪師受賢首宗於大三藏成名謁南禪師有省
師律已甚嚴燕坐忘夜旦占一室謝絕交遊元豐三年
示寂闍維得五色舍利骨石拴索鉤連塋于寺之東載
指月錄

僧自然相傳前于石菴得道白日冲舉載前志

皇清

僧定空兖州人欲往南嶽經袁郡見大仰明月諸山聳霄
漢遂從山峭壁登絕頂頂平曠日居古樹下靜坐採藤
者見之驚爲神里人相與覆茅以居苦巨石當道一日
迅雷闕石道坦人愈異之時亂未定每告人曰天下自
此太平矣已而我

朝定鼎號其山爲太平山今太平山寺以定空爲開山祖
師云載府志

破石和尚揚州人先住博山抵袁州住太平大仰蟠龍楊
歧諸寺後因袁忠毅買山置菴乃習靜于鄧尖峰智慧
益開凡未來時事豫言之靡不立驗晚年居湖岡臺卒

載湖岡臺志

僧其慧光州袁氏子德瑜安福周氏子俱任湖岡山寺沉
靜寡欲確守僧規其參付諸偈語語透出宗旨載湖岡
臺志

僧永光住橫塘錫嘏寺中天姿明敏通文理清淨自守從
不干預外事尤工詩士大夫多愛慕之至今傳其早秋
詩有無端昨夜來孤雁叫破寒山幾度鐘之句載雜識
僧達拳住小吉山慈雲菴性清淨寡欲善詩文喜與文士
款洽嘗坐方丈於慈化寺中十年時知縣黃河清甚器
重之人皆呼為杲和尚著有皖堂詩文集語錄十四卷

道附

宋

李慎敬金谿人崇禧院道士咸淳中為崇教法師掌袁州
元至元初赴召授道錄左正一奉勅建繁禧院掌天下
諸道事載龍虎山志

明

廣冲黃道人住集雲鄉瑞牛山豐城鄧子龍少時遊此雲
霧大作迷失路困卧二日忽崖巔有嗽聲強起視之見
道人龐眉皓首杖掛蒲蓆坐石上問訊畢黃曰汝得毋
饑渴乎即以杖頭蒲飯指石中流水飲食之隨受以奉

經陣圖六甲經世書誠勿洩倏爾風起雲散道人不知
所往子龍自是力可舉鼎後官將軍載豐城志

宜春縣志卷二十六

方技志

周官六藝班志九流雖小道亦有可觀不獨仰觀俯察
推步堪輿之學固儒者所宜周知即射御書數醫卜相
法諸業專門名家亦足徵往哲師承之源志方技

南唐

何溥字令一作會通天姿穎異善地理家言元宗聞其賢屢

詔起之爲國師擢國子祭酒保太中鄒廷翊相皇陵於
牛頭山溥言不利極表諫諍忤旨謫休寧令溥至即改
縣基于吳王墓後倚松蘿山前名真武下壇形未幾溥

亦卜地于縣東南隅居焉舍前削石玩太極八卦諸圖
茂林修竹時時披襟嘯傲其間後主時復徵不起隱芙
蓉山削髮為頭陀雖假跡禪門絕不譚釋語每誦道德
經必嘆曰真聖人也孔子豈欺我哉由是專修長生煉
化之術更名慕真一坐四十年豁然大悟天禧中正席
趺坐心火自灼頃刻死其徒取舍利為塔瘞之所著論
氣正訣一卷傳世地理元機今名鐵彈子載十國春秋
及萬姓統譜

宜春王李從謙喜書孔學晉二王楷法用宣城諸葛筆一
枝酬十金勁妙甲於當世從謙號為翹軒寶帚載拾遺

記

宋

宜春侯氏以醫名家蓋十世不替至於世昭駐伯益精且
神客有奇疾衆醫環而視之或莫能名其為何恙世昭
視之探囊發藥應手而愈以故三十年來名震大江之
西迨世昭死其子子雲精其術亦稱神妙楊萬里皆送
有序載誠齋文集

易某逸其名善畫曾作直逸圖贈郭祥正酬以詩云袁州
易生畫入神不畫尋常行路人十日一水五日石間逢
直逸為寫真髭鬚髮三四身抱甕負鍤忘主賓兒童

定春景元 卷三
二
懽笑牽衣巾牛羊飽卧臨水濱孤峯蕭蕭疑暮雲老樹
冉冉藏先春流泉曲折似聞響歸鳥投擲求其羣意思
邈可想疑有脫誤追彼太古淳風不入手畫生筆端安得有
今年臘雪未沾梅昨夜冬雷先破柳丹青染就非時花
勸我百盞忘憂酒載嘉定志

元

夏執中工大字善騎射高宗行慶壽禮近戚爭獻珍瑰執
中獨大書一人有慶萬壽無疆以獻常爲館伴副使連
射皆中金人駭服載本傳

明

劉醫士不知其名嘗遊京師分宜黃太常子澄稱之送別
有詩見藝文

士清

易詔字迎之少好學不求聞達精醫能立起沉疴家饒不
受人酬謝迄今世裔多彬彬藝苑


潘元盛少攻舉業不售改精岐黃弗計利切於救人曾醫
瘳分宜知縣黃贈以聯元盛沒爲題其像子開瀛世其
業補醫學訓科鼎成邑增生

潘宏運職員少逐隊童場不利日鑽研靈樞素問諸書得
其術診救多人貧者備藥爲瘳不索償子仁孫繼興俱

邑庠生

孫文淵 員外郎 孫文淵 員外郎 孫文淵 員外郎

孫文淵 員外郎 孫文淵 員外郎 孫文淵 員外郎



孫文淵 員外郎

孫文淵 員外郎 孫文淵 員外郎 孫文淵 員外郎